



Harald Bianco
Inuit Ataqaigiit sinnerlugit Inatsisartunut ilaasortaq
inatsisartut@inatsisartut.gl

Snusit pillugit § 37-mut, 043 2022 akissut

28-02-2022
Suliap normua 2022 - 5210
All. nr. 19335659

Asasarput Harald Bianco

Inatsisartut suleriaasianni § 37-mi, imm. 1 naapertorlugu Naalakkersuisunut apeqquaqarputit. Naalakkersuisut apeqqutinut, matuma kinguliani issuarneqarlutik akissuteqarfigineqartunut qujapput.

Postboks 1160
Oqarasuaat: 34 50 00
Fax: 34 55 05
3900 Nuuk
Email: pn@naaq.gl
www.naalakkersuisut.gl

1. Snusi ukiumut qanoq angjutigisoq eqqunneqartarpa?

Akissut:

Snusit sukuluullu pillugit Peqqissutsimut Naalakkersuisoqarfiup akissuteqarnissaminut Nunatta Naatsorsueqqissaartarfia paasissutissanik pissarsiniarfigaa. Snusit qanoq amerlatigisukkaarlugit tikisinneqartarnersut immikkut naatsorsuiffigineqarsinnaasimangilaq, taamaammallu kisitsisit matuma kingulianiittut snusinit sukuluunullu tunngasuupput. Kisitsisinngorlugit takussutissiami amerlassutsit kiilunngorlugit takutinneqarput.

Uk.:	2010	2011	2012	2013	2014	2015	2016	2017	2018	2019	2020
Kg:	982	1284	1285	1009	1157	1376	1617	1642	505	3846	692

2. Snusi nunatsinni qanoq atugaatigiva?

Akissut:

Siusinnerusukkut innuttaasut akornanni misissuinerni nunatsinni snusinik atuisarnerit misissuiffigineqartarsimapput, kisitsisillu 2018-imeersut imatut takutitsipput:

Misissuinermit peqataasunit 2539-usunit 2,7 procentit snusinik atuisarsimallutik nalunaarput (taakkunannga 3,7 procentii angutaapput arnallu 0,7 procentiullutik). Inuusunnerusut akornanni snusinik atuneq annertuneruvoq, 15-24-nik ukiullit akornanni 6,3 procentit snusinik atuisarsimallutik nalunaaruteqarlutik. 2014-imi inuiaqatigiinni misissuisoqarneranut sanilliullugu snusitorarneq allannguuteqarsimangilaq.

a. Ukiumut qanoq pisiarineqartarnera naatsorsuutaatigineqarpa?

Akissut:

Apeqquutip 1-imut akissut innersuussutigineqarpoq.

3. Snusi nunatsinnut akileraarutitigut qanoq naleqarpa?

Akissut:

Peqqissutsimut Naalackersuisoqarfiup akissuteqarnissaminut Akileraartarnermut Aqutsisoqarfik paasisutissanik pissarsiniarfigaa, tassanngaanniillu imaattumik ilisititsisoqarpoq:

"Matuma kinguliani takussutissiami snusit, sukuluut aamma tupat pujoqanngitsut allat eqqunneqartarnerinut akitsuutit utertitsisarnerillu takutinneqarput.

Takussutissiaq. Snusinik, sukuluunillu eqqussinermut akitsuutit utertitallu mio. koruuninngorlugit naatsorsorneri.

	2017	2018	2019	2020	2021
Nioqqutissanik eqqussuinermit akitsuutit	3,10	1,77	12,04	2,85	17,31
Utertitat	-0,02	0,00	-7,27	-4,63	-1,17.

**Nioqqutissanik eqqussuinermit akitsuutinik utertitsinerit ukiunut pineqartunut tunngasinnaapput, kisiannili aamma ukiut siuliinut tunngasinnaallutik. Taamaattumik eqqussuinermit akitsuutinut akiliivallaarutaasimasut kingusinnerusukkut nioqqutissanik eqqussuisumut utertitsisoqarsimavoq.*

Ukiut ingerlanerini snusinik sukuluunillu eqqussuinermit akileraarutinit iluanaarutit assigiinnginneri ersarippoq. 2015-imi akitsuut atuutsinneqalerpoq, tassanilu sukuluut snusillu kiisalu tupat pujoqanngitsut allat pineqarput. 2020-mi suliami aalajangersimasumi paasineqarpoq, nioqqutissanik eqqussuisartut ilaannit paatsuisoqarneratigut tupanik pujoqanngitsunik allanik eqqussuinermit akitsuusiisoqartarsimangitsoq. Pingaartumik suliap taassumarpiaap kingunerisaanik 2020-mi aamma 2021-mi iluanaarutit assigiinnginnerinut pequtaasimassasoq ilimagineqarpoq

Aamma kisitsisit assigiinnginnerinut toqqorsimasuutit nikinnerat pequtaasimassasoq. Assersuutigalugu piffissami siviuserusumi toqqortassanik amerlanerusunik tikisitsisoqartarsimasinnaavoq, kingusinnerusukkut innerusunik pisinartoqartarsimasinnaalluni. Kiisalu nioqqutissanik akitsuutilinnik eqqussuisarneq Covid-19-imit angallattullu ikileriarnerinit sunniuteqarfigineqarsimasinnaavoq."

4. Naalackersuisut pilersaaruteqarpat snusip tuniagiaganerata killilersornissaanut?

Akissut:

Naalackersuisut aanngajaarniutit inuiaqatigiinni atugaanerinik annikillitsiniarlutik, ilaatigut inuiaqatigiit peqqissuunissaanut suliniut Inuuneritta III aamma inatsisinik tunngavilimmik aanngajaarniutinik pisinissamut ukiunut killiliineq tunngavigalugit pinaveersaartitsiniarlutik peqqissutsimillu siuarsaniarlutik suliniuteqarput. Maannarpiag tupat snusit Tupa avatangiisinillu tupatorfiunngitsunik isumannaarineq, kiisalu tupanik nioqqutissat nalunaaqutserneqartarneri pillugit Inatsisartut peqqussutaat nr. 10, 14. november 2004-meersoq aqquutigalugit maleruagassaqartinneqarpoq. Tassani

allassimavoq, nioqqutissat naasut tupaliassat (Nicoiana) atorlugu tunisassiarineqartut, taakkunungalu tupat snusit ilanngullugit, taamaallaat inunnut 18-ileereersimasunut tunineqarsinnaasut. Kiisalu allassimavoq, meeqqat atuariisa, timersortarfiit, naluttarfiit, ulluunerani paaqqinnittarfiit aamma meeqqanut inuusuttunullu ulloq unnuarlu angerlarsimaffiit iluini silataannilu pujortarnej inerteqqaasooq.

Kisiannili snusunik nikotenusanik akulinnik, taamaattumillu maleruagassanut ilaatinneqanngitsunik niuerfimmi tuniniagaqartoqartoq Naalakkersuisunit ilisimaneqarpoq. Taamaattumik siunissami periusissiasanun suliassaqarfimmut inatsisip allanngortinneqarnissaa, taamaalillunilu aamma nioqqutissat nikotenusanik akullit maleruagassanut ilanngunneqarnissaat ilaatinneqassaaq.

Pitsaasumik toqqissisimanartumillu peroriartornermi pitsaasumik annertuumillu atugarissaarfiusumik inuuneqalernissamut periarfissat annertusisarput. Paarlattuanik peroriartornermi ilungersunartorsortarsimagaanni, tamanna toqqissimalluni meeraanissamut inuunerullu sinneranut annertunerusumik kinguneqapilussinnaavoq.

Inuiaqatigiit peqqissuunissaannut suliniutini siunnerfiit ilaat meeqqat peroriartornerminni atugaannut tunngasuvoq, tassanilu avatangiisinik peqqissunik akuutitsiffiusunillu, meeqqat toqqissimallutik inuuffigisinnaasaannik pilersitsinissaq immikkut siunnerfigineqarpoq.

Avatangiisit peqqinnartut aammalu ataatsimoortunik peqqinnartumik akuutitsiviusunik atugassaqartitsineq peroriartornermi atugassarititaasunut nukittorsaaqataaffiusarput. Tamatuma peqatigisaanik meeqqat avatangiisini, tupatornissamut aangajaarniutinillu atuinissamut ussarnartoqarfiusuni inuulersinnaanerit annikillitinneqartussaavoq. Sunngiffimmi sammisassat isumallit, kulturimut attuumassutillit orninneqarsinnaangorlugillu aaqqissuussat, meeqqat inersimasunik toqqissisimanartumik peqateqarlutik nuannisarfigisinnaasaat meeqqat toqqissisimanissaannut siursaataasarput. Tamanna susassaaleqilenissamut, taamaalillunilu aangajaarniutinik tupanillu atuilernissamut pinaveersaataasinnaavoq.

Meeqqap peqqinnartumik inooriaaseqarnissaanut angerlarsimaffimmi qanitaanilu sinaakkusiussa aaqqissuussaanerilu sunniuteqaqataasinnaapput. Taamaammat inuit inooqatigiinnermilu attuumassuteqarfigisaasa, soorlu meeqqat, ilaqquttat qanimullu attaviisa, peqqissaasuni meeqquerisut, peqqinnissaqarfimmi ilinniarsimasut, kigutigissaasut, perorsaasut, ulluunerani paaqqinnittartut, atuarfinni ilinniartitsisut, isumaginninnermi siunnersortit, politit, ilinniartitsisut, sungiusaasut aammalu inuussutissarsiutinik ingerlataqartut akuutinissaat pingaaruteqarpoq.

Inussiarnersumik Inuulluaqqusillunga


Kirsten L. Fencker